

三河縣志卷之十五

藝文志上

歷代名賢紀載皆經術政治之篇故夫風俗之盛衰治理之得失山川之險易古蹟之貽留胥於文人腕下傳之循覽遺文而興利除弊釐然可法矣下及詩歌有韻之文或咏山川或題名勝廣爲蒐採以資諷誦亦可覘一邑人文之盛焉志藝文上

碑記

三河縣志

卷十五

藝文

一

元

上

大成至聖文宣王尊號碑

蓋聞先孔子而聖者非孔子無以明後孔子而聖者非孔子無以法所謂祖述堯舜憲章文武儀範百王師表萬世者也朕纂承丕緒敬仰休風循治世之良規舉追封之盛典加號

大成至聖文宣王遣使闕里祀以太牢於戲父子之親君臣之義永惟聖教之尊天地之大日月之

明奚罄名言之妙尚資神化祚我皇元主者施行

泰定元年三月

日立

翰林侍讀學士中大夫知誥詔同修國史

臣李

深道書承直郎大都路通州達爾花赤兼管本

州諸年奧魯勸農事

臣

速朗吉大篆額

重建三河講堂記

王約

禮部侍郎田君嘉甫告予曰吾邑三河始城於後唐明宗長興三年宣聖廟未詳其初而廟之

三河縣志

卷十五

藝文

二

講堂乃金泰和五年蒲察公勅焉榜之曰明道迄今將百年而摧圯無餘縣當京畿東道之衝前尹數輩俱以供需故不暇計也令尹劉君鐸自元貞二年宰是邑利興害革巨細畢周一日謂僚屬曰田闢訟簡賦均盜息政之常也學校不舉政之大疵乃密與邑之望六七人協義籌度卽明道故基而爲堂費不擾民而厥績告成旋以病卒適瓜代日也噫尹來甫三載上官稱其敏黎庶享其惠胥吏服其明邑民思尹不已

欲仍是堂以誌甘棠之愛何如余曰縣階末也
尹秩卑也然承流宣化移風易俗實本於此今
之治縣者例以督責聚斂爲先期會奔走爲急
故狼戾者蚤緣以侵漁庸瑣者依違而取給名
曰牧民而實爲民蠹求其所謂庶之富之者不
可得况教之哉劉尹之治可謂旣富之而又有
教之志矣乃志未酬而身殞哀哉繼爲政者苟
能遵其已成而遂其未成尹雖死無憾也尹沒
矣民猶念之於以見尹之得民者厚民之奉尹

者誠誌諸金石乃邑之光衆之馨後之鑑也云
胡不可田君曰余所言者尹之績子所云者尹
之志語有之言以足志文以足言不言誰知其
志子能言矣請書之以畀邑人余曰諾

三河縣學牂建兩廡記

祝阿

尊孔子而配以四子十哲并祀七十子先儒於
兩廡薄海內外莫或異焉凡以隆洙泗之傳廣
化育之教也我朝開闢之初首命內外郡邑各
建廟學其崇儒重道之心一唐虞三代之心也

洵陽當衝道絃誦茂聞禮樂弗振泮宮僅蔽風日而兩廡俱闕殊乏從祀之儀至正戊子教諭劉元皓由平谷秩滿調是邑怒焉傷之卽白于縣之令佐勅建兩廡六間兩齋二間計已束修及官吏捐俸里閭助費工趨事集不數月而成舍爰命丹青繪十哲以下封侯者儀容分爲兩廊黻冕之制燦然有章邑之耆舊邢謙儒士王國佐請余爲記以刻石余維文翁治蜀興舉學校西土號爲儒雅昌黎守湖設立師教南川稱

爲易治洵陽兩廡之建俾邑人知道統之流傳經學之昌明聖天子興賢育才之至意何莫非教諭劉公作新之力歟因敘其實以爲記

明

三河縣新建洵河石橋記

楊 洪

三河縣城南百餘步有河卽古洵河也東通錯橋西達金鷄塘接境通薊爲畿東要路衛縣歲修浮橋以渡水溢橋輒壞僉謂必建石橋而工役浩重莫之敢舉今提督東廠御馬監張公銳

邑人也謀於其兄後軍都督張公明迺姪都督同知張君蘭捐白金數千兩鳩工建橋屬大同指揮趙昶董其事伐石惟堅選材孔良四址並築各甃以石厰爲洞垂爲虹鋪爲面躡爲跋長可三十步高五尺廣若干尺以正德十年十月告成環而望之力將岸爭勢與空鬪勇若鰲戴蠢若嶽壓風不能撼雨不能蝕夏不苦溢冬不病涉僉曰張公之惠也於是提督守備三河崔昂知縣郭寅謂不可無文以紀之乃龔貞石具

三河縣志

卷十五 藝文

五

事由遣邑庠生石文明詣京師請余爲記余維橋以利涉有司之常職耳顧以鄭僑之賢而徒枉輿梁之政尚多缺畧安論其餘錦衣公都督君之協心殫力共圖其成其宅心可謂厚矣卽是以觀而凡利民惠物之念安往而不然哉故樂爲之言且以告夫後之有官守而志及民者

併三河驛記

李 貢

三河縣東有驛曰公樂西有驛曰夏店皆去縣二十里使者東西至以驛在野且隘恒不止宿

必抵縣以息用是巡撫平湖屠公勅請併於縣
爲三河驛爲衆議所格正德辛未貢險舊蹟得
公疏嘆曰此非節財裕民之大者歎疏人報可
會邑人爭請運二驛舊材併作而王守備玉巖
任知縣濟崔指揮昂疏請成之縣釋重累爰刻
石以銘曰漁陽之西潞河之東有三河縣界乎
其中使者不留必縣是止前賢謀國節財裕人
并二爲一道里亦均我聞于朝天子曰可經之
營之有堂有厦昔者候吏輟食而嘆今領於驛
寧其室家昔者邑民苦于帳具今領於縣有害
斯去事雖由我恐蔽前賢刻銘于石冀永歲年
重修關帝廟記
朱崇儒

古云正直惟神以其英靈精爽觸卽通感輒應
受命如響而護國庇民萬世永賴故禋祀亦萬
世弗衰伏稽

關帝之神其精忠大義勁操直節光昭史冊迄今
凜凜猶有生氣萬世而下仰威靈蒙覆庇其建
廟崇祀者何代無之何地無之洵陽城東隅舊

有

關聖廟一座規模狹隘且多傾圮善人楊致和西
晉人李宗先等公秉誠虔捐貲鳩葺而住持僧
永亮復勸鄉人共成善事修建正殿三楹馬殿
山門亦各三楹簷廊棟宇煥然聿新豈復昔日
之廟貌觀瞻已哉而廟西復買閑房一所修經
堂佛堂僧房各三禮神者忘昔之狹隘而咸樂
今之寬廣是豈作無益崇淫祀者比一帝之威
靈有以感人心而致其誠悅也予素仰神之正

三河縣志

卷十五 藝文

七

欽神之靈爰摘俚語以記歲月云

重修三河學記

朱國俊 邑人

洵列畿左沐右文之化率先風勵凡關儒政者
旣嚴且潔而殿堂門廡罔不宏整視他有加焉
其後吏治因循士習日偷萬歷後學宮頽廢僅
蔽風雨迨近年戎馬生郊徵發日事士且釋俎
豆而事干戈養士之地幾成邱墟幸司訓杜先
生振鐸茲地一顧興嗟遂有維新之意但勢難
創舉而本學文昌閣尤傾圮不支先撤而建之

曲檻傑閣煥然改觀今春以固圉論功先生將
及瓜輒深念曰余懷此久矣詎可托之空言哉
亟請之邑侯裴公公躍然曰是予心也然非先
生無可屬者白先生始亦自先生終守土者藉
以襄此役其有辭於諸生矣於是先生竭蹶以
從量時度務鳩工庀材擇諸生老成敏幹德行
夙孚者因沂輩董其事七閱月而始成爲堂五
楹敬一亭三楹左右齋凡六楹東西耳房凡四
楹儲祭器備齋宿也下至門垣階砌甲於昔時
而精堅完緻則從來公家之役未有若此者矣
茲一舉也裴侯首出鍍金外則縣佐貳及縉紳
鄉貢暨士民捐助而先生竭力經營割清俸以
終其局尤人情所難也昔三川王侯繁允雅意
興作堂儲灰磚以供役而卒不就今役不及民
告成不日昔何以難今何以易故天下事有謂
不可爲者誣也爰據實而勅之石

重修洵河橋碑記

朱國俊

邑爲畿左名區山川迴合阻洵水而城每夏秋

霖雨吞吐諸壑離城咫尺至不通往來正德間
大璫張銳之兄張明首創茲橋於今百五十年
水波所齧輪蹄所踐砥石既圯中空而裂居者
行者日牽車於泥淖浸淫之中蓋數十年矣歲
戊子邑侯孟公分符爲令政修事舉民咸和悅
乃惓念茲橋晉耆民劉承業王士奇而屬之佐
以清俸又誠之日毋易事毋速成務堅且久以
旣厥功承命唯唯歸而庀材協謀各董其事公
時率邑尉斯公躬先督課始於庚寅之三月迄
六月凡工以萬計貨以千計灰瓦木石之屬以
億計而後告成余因爲記又綴以銘銘曰有通
者梁便行旅也有峻者基虞顛趾也撤而營之
纘遺績也載而履之擬虹駕也誰底厥成憑心
匠也誰襄厥功合策力也結石磷磷象若功也
維水湯湯旣厥澤也用告後人嗣而庸之永未
艾也

重修碧霞元君祠碑記

朱國俊

自泰山鼎立女主分靈元君之祠徧天下其像

川五軀各有所司而禮宗祀職死生其大祀也
洵邑北關舊有神祠洵經兵火室宇蕩析香火
寂然三韓孟公城守許公斯尉侯先後官茲土
過是祠慨然曰是邦舊稱繁庶今凋瘵若此非
獨歲之咎也或亦祝釐不謹神不饗其馨而鑿
其褻也戶口有幾天扎時聞此非守土者之責
而誰責耶遂捐資爲倡而邑之紳士樂輸恐後
撤而新之歷年餘金碧煒煌屹然巨觀乃嗟我
侯之用心深而諸公之能勦厥事也夫愚民無
知導之以惡則易迪之以善則難彼國法之章
炳如星日而悍者梗焉閔不知畏至語之以幽
冥神鬼之事則靡有不怵然若驚聖人以神道
設教良有以也侯之於民旣導之以顯又迪之
以微易惡而善疾如影響亦足以見上之感人
深而民之易爲善也侯以

內詔遷已五月猶惓惓是役復垂橐佐之囑斯公竣
其事余故樂誌其始末以泐之石

明威將軍許公必昌德政碑記 朱國俊

許大將軍蒞洵幾七載法行而人肅惠行而人
戴警絕在苻風清榮戟洵一時之偉望振古之
奇人矣

廟堂稱其賢推轂擇帥將尉印以行其鈐下士感將
軍之威惠咸欲叩

闕請留卒知不可乃表將軍夙昔德政撮其大者泐
石以垂不朽余邑人也投劾以來習將軍之爲
人蓋將軍家世詩書獨少有大志落落不偶遂
投筆北上有定遠侯之志歷封疆多奇績其任

三河縣志

卷十五

藝文

十一

洵也適當極敝之後額兵單匱餉不以時而路
當孔道傳送不暇故事日煩兵日弱將軍廉公
有威凡重大之務以身肩之而分甘啣潤士皆
宿飽投石超鉅較之他營不啻星淵此洵兵所
爲感之深而戀之至也余有事四方每見官其
地者沒沒無所短長及其久也怏怏焉有怨其
去之不速者將軍之行也人猶欲誌之不朽則
其得人之深誠可槩見矣後之賢者能步其武
庶相繼以有成乎

邑侯成公王臣德政碑記

楊正中

公中州望族也辛卯薦于鄉膺

命來治洵邑蒞任之始慨然嘆興茲邑地瘠民貧衝當孔道聞而識之者有年不謂凋瘵若此鄭監門應上圖者語於衆曰

國家興百利不如除一害蓋以利興弊將隨害除卽以利民也爰詢疾苦孰爲亟僉謂車馬之在民者害百倍聞言悚息云驛傳車馬俱在官奉綸已久三河彈丸之地去京師僅百里胡敢偏累吾

民收公廩民自是無鞭箠之苦德政一舊例社撥一役催糧謂之原差歲更十有八役日至其門而督之民供應不暇昔人所以有願捕蛇者飭令停止民無追呼公輸更捷德政二向來收糧公耗外復有私加忽抽查間有增重者笞之自是親行兌閱蠲耗平收執衡者不得高下其手德政三兩造質成素憾差拘私禁之弊動費金帛痛加革除且涇渭旣分人無冤滯獄稱平允德政四日用所需時價公買役有虧其直者

重撻於市由是畏法貨殖得平德政五大車運石於

皇陵石重千斤臨境至河天寒水冽御者恃

欽工索夫百餘挽車渡民皆膚冰股栗齒觸有聲問不以畜而以人曰防水激也詰之畜貴於人乎叱夫回力抗不應車卒自行德政六修葺

孔殿啟聖祠春秋享祀豐潔待師生以優禮德政七市廛之地有架滿僕者聚夥奪人物急趨匿日中幾罷市令差役巡緝扭責數次乃止商賈貿

三河縣志

卷十五

藝文

十三

易得安德政八至於門盤夜禁勸農化俗良法難更僕數二年餘歲稔盜息含鼓耕鑿地不患瘠民不憂貧差不苦衝熙熙太平景運何莫非我公深仁厚澤之所被也邑人士有扶杖往聽願觀化成之意爰勒諸石以誌不忘兼俟繼美之觀法者

三河重修學宮記

任 堯

余以甲寅仲秋蒞三河見城郭蕭殘廨宇圯壞固已憂心如焚已次日謁

文廟見荒原上歸然若靈光餘明倫堂啟聖祠文昌
閣俱僅數椽漂搖于寒烟蔓草中亟進諸生問
焉云三河學宮故舉監明正德年一修萬歷年
再修俱因陋就簡非有堅久之實迨邑遭兵燹
學宮一堵屢經斲養之毀竊以至於此余慨然
曰余之責也於是謀於官僚紳士集金若干不
足則有先人之遺畝命兒子嚮以助焉鳩工於
康熙十五年四月畢功於十七年八月其間有
因而無異於剏者

三河縣志

卷十五

藝文

十四

先師殿是也有因而半於剏者啟聖祠明倫堂文昌
閣是也有剏而無所於因者東西廡泮池戟門
櫺星門鄉賢名宦祠及垣屏柵欄花樹之圃是
也物易於市如其值人食於官如其功不請公
帑一粟不徵里甲一丁而舊規頓復規模較益
宏遠矣落成之日士持觴進曰是不可無記余
曰曷記哉然此弦歌之地也故不揆鄙陋率賦
長律以應且述營建之大畧云爾

三河縣學宮告成記

彭鵬

八閩彭鵬爲臨洵宰始至三日謁

先師廟漂搖孤支東西前後皆平蕪地詢之曰己未地大震也詢廢材日久化爲薪矣何以無建豎曰衝疲也令涸鮒不自存退至署頽垣敗葦亦弗克寧居八月行丁祭禮啟聖公無坐處無木主自四配十哲下皆裁紙糊廟壁鵬不自揣量拮据卒瘞先啟聖祠祠成次東西廡十楹經之營之二年而兩廡成伏讀隆學校以端士習喬皇

三河縣志

卷十五 藝文

五

訓宰小臣也敢不勉旃初洵應童子試者不滿二十人惟帥道之弗立黨庠之弗修脯資之弗辦故至此乃於啟聖祠東始立義學購田貳頃伍拾伍畝伍分以租供脩脯正供宰自辦董子曰正誼明道吏與儒當交易之而成門闕焉戊辰十月

皇上駐蹕三邑蒙

召問賜金三百臣鵬九叩什襲將歸以脩先祠瑩念聖髻授書誦法孔子聖門報本之地也先分

賜金特建戟門三彰

君賜也戟門西祀鄉賢十一人構祠祀如初是年正月京兆許公頒發崇祀圖牌廣狹高下遵行如式二月行丁祭禮瞻仰稍寧此舉不行于募不出於贖募者釋子之持鉢也流於丐贖者長吏之飽橐也藉以攘攘與乞何可爲且洵人貧甚募者誰自反治洵無他能息訟寧人從無罰民一銖一紙豈以建學出諸贖貽聖賢羞乃次櫺星門次祠儀門次庠門次階次拜道次月臺次

三河縣志

卷十五

藝文

其

泮池護欄磚之石之丹之黼之次第以成所未遑者明倫堂進德修業兩齋竊有志焉以歲額修整文廟拾金歲計積累煥然新之實我

朝尊師重道之大典

臣鵬

奉行之而罔敢墜敢曰

貪天之功戟門東舊有名宦祠元明僅得茂宰九人司教一人循良方正蓋如斯其難爾會

本朝兩江總督前直隸巡撫清端于公相國前且隸巡撫商邱文康宋公流風俎豆三輔洵人士請暫寄主於廟洵宰彭鵬作而言曰非禮也禮

不敢以名宦先啟聖公先賢祠立祠置主且此
待之時商邱賢公子牧翁先生爲通冰觀察其
敬屬吏語今自啟聖下逮鄉賢次第置矣名
宦誼不敢後祠成文康清端二公請入祀并前
直隸總督朱公李公巡撫格公亦如他邑皆置
主是歲庚午五月二日

皇上特簡天下有司四人臣鵬第一聞

命鹽沐謁文廟誓曰異數何以堪此由茲一言一行
稍與宰洵殊子孫世世不得入黷序七月辭廟

三河縣志

卷十五

藝文

七

出臨洵四顧宮墻久雨土壤乃覓匠計方圓百
五丈以磚易土念義學師蕭英貧士也居無家
代營五楹蔽風雨爲英世有又念學博王君賃
署去學遠庀材構四楹憇王君從者臨行洵人
士請一言以風有位鵬聞之感然曰六年宰洵
嘗降調鐫秩者多矣若非

特旨被格留任宰早去洵矣又何能爲以是感
高厚之恩久幸處此竭此涓埃後之視今其亦知所
勸勉也夫因賢而記之壽諸石

重修碧霞元君祠碑記

余學昌

泰山元君祠徧天下郡邑歲時祝釐士女奔走由來舊矣洵邑北關之祠脩建於

大清定鼎之十年孟邑侯斯守尉實倡之紳士商民共勦之朱進士碑記具在可考而知也余以康熙二十年來宰洵邑治民事神惟宰職任甫下車徧謁諸神廟類多風雨不蔽詢之知爲十八年地震重災民居與神祠俱毀今甫二歲鴻雁未集何由撤神廟而不建諸用是籌所以輯吾

民卽思所以妥吾神第邑當孔道皇華絡繹日不暇給奚以率士庶而新神宇閱二年穀登民樂由是謀經始誌落成沓升居歆此余在洵兩載中所藉手以無怨恫於神靈者而元君祠亦得以觀厥成未幾以讀禮去任未及勒請貞祀今余復補洵鄰平邑平去洵四十里而近洵士女猶在余懷况神明之在上乎

元君神主繼嗣司死生俾吾民之瓜瓞緜緜眉壽無害者皆吾民之積德累行神明不欺自能克

昌厥後而壽算悠長也寧必入祠而始生其畏
悔之心哉是爲記

地震記

任 塾

康熙十八年己未七月二十八日巳時余公事
畢退西齋假寐若有人從夢中推醒者視門方
扃室內間無人正惘恍間忽地底如鳴大礮繼
以千百石礮又四遠有聲儼數十萬軍馬颯沓
而至余知爲地震蹶然起見窻牖已上下簸蕩
如舟在天風波浪中跌而趨屢仆僅得至門門

三河縣志

卷十五 藝文

九

啟門後有木屏余方在兩空間砉然一聲而屋
已摧矣梁柱衆材交橫門屏上堆積如山一洞
未滅頂耳牙齒腰肱俱傷疾呼無聞者聲氣殆
不能續因極力伸右手出寸許兒鑿輩遍尋余
望見手指動搖亟率衆徙木畚土食頃始得出
舉目則遠近蕩然了無障隔茫茫渾渾如草昧
開闢之初從瓦礫上奔入一婢指云主母在此
下掘救之氣已絕慟哭間問兒鑿弟空云汝輩
幸無恙餘三十口何在答云在土積中未知存

亡乃俯而呼有應者掘出之大抵床几之下門
戶之側皆可賴以免其他無不破臚折體或呼
不應則不救矣正相對莫知所以忽聞喧噪聲
云地且沉爭登山緣木而避蓋地多拆裂黑水
兼沙從地底湧泛有騎驢道中者隨裂而墮了
無形影故致人驚駭呼告耳頃之又聞呼大火
且至乃傾壓後竈有遺燼從下延燒而然急命
引水灌之旋聞劫棺槨奪米糧紛紛攘攘耳無
停聲因扶傷出撫循茫然不得街巷故道但見

三河縣志

卷十五

藝文

三

土礫成邱屍骸枕籍覆垣欹戶之下號哭呻吟
耳不忍聞目不忍睹歷廢城內外計剩房屋五
十間有半不特栢梁松棟倏似灰飛卽鐵塔石
橋亦同粉碎登高一呼惟天似穹廬蓋四野而
已顧時方暑歸謀殯孺人覓一裁工無刀尺一
木工無斧鑿不得已爲暫藁埋畢舉家至晚不
得食髮鬚厨室所在疏之獲線麪一筐煮以破
菹糜盛以水筒各就啖少許次日人報縣境較
前亦舊時往勘之西行三十餘里及柳河屯則

地脈中斷落二尺許漸西北至東務里則東南
界落五尺許又北至潘各庄則正南界落一丈
許闔境似甌之脫壞人幾爲魚鱉豈惟陵谷之
變已耶八月初一日鑾儀衛沙必漢奉

上諭着戶工二部堂官一員查明具覆施恩拯救閣
臣會議具請奉

旨着侍郎薩穆哈去初六日薩少農到縣散賑城廂
窮民五百二十九戶十六日戶部主事沙世到
縣散賑鄉村窮民九百四十一戶戶各白金一


三河縣志 卷十五 藝文 三

兩十八日又傳

旨通州三河等處遇災壓死之人查明具奏九月十
五日工部主事常德筆帖式武寧塔到縣散給
壓死民人旗人男婦大小共二千四百七十四
名口又無主不知姓名人二百三名口內孩幼
不雜旗民死者另誌

貧無主不知姓名地方官料理外將壓死男婦一
千一百六十八名口人給棺殮銀二兩五錢伊
親屬具領訖又先是八月初九日

上諭通州三河等處地震重災地方分別豁免錢糧
具奏隨奉巡撫金 查明三河平谷最重香河
武清寶坻次之薊州固安又次之最重者應將
本年地丁錢糧盡行蠲免次者應免十分之三
又次者應免十分之二具疏題奏奉
旨依議三河地丁應得全蠲欽哉

皇恩浩蕩如海如天民始漸得策立骨月相依其不
幸至於流離鬻賣者十之一二而已計震所及
東至奉天之錦州西至豫之彰德凡數千里而
三河縣志  卷十五 藝文 三
三河極慘自被災以來九閱月矣或一月數震
或間日一震或微有搖撼或勢欲摧崩迄今尚
未鎮靜備閱史冊千古未有不知何以致此雖
然九水七旱天所見于堯湯之世者豈關人事
哉

邑侯莆田彭公生祠記

胡繼芳

公宰洵六年以

特簡天下有司第一奉

命入京將啟行吾儕焚香挹水遮道卧轡我公單騎

夜出南門平明至潞吾儕思且慕建祠邑署東
祠成額曰洵邑真父母莆田彭公生祠僉曰公
是行也吾儕嘗詣

闕乞留有清慈仁義公明勤樸八真之狀已樹之石
復書之額誠不可以無記邑人胡子繼芳秉筆
伸紙聽輿人之言曰我公敬士崇儒以斯文爲
已任

文廟漂搖僅三楹公次第新之無缺典未嘗募一銖
罰一錢又設義學置延師膳田二頃餘正供代

三河縣志

卷十五

藝文

三

辦以興多士春秋糧未嘗設一卯比一役而火
耗雜費悉革之並列入納票內以爲例又曰我
公寧人息訟據理剖決從無罰一粟一銖歲終
催報贖鍰則云三邑自無地丁歲終計費七十
金舊例也我公云使民苦寧使官苦悉自捐一
切派累下車卽除驛馬芻料平如民價從無加
稱淋斛人命坐真兇株連不問盜案非駐明証
確者不坐昔東省與直隸讞賊藉公會訊得口
馬蘭兵民爭地藉公質成得明通潞武清水旱

曰北饑荒藉公勸且賑其他附會銷案被誣得
釋獄成平反雖他邑事歲有數十人何況洵邑
之賴吾父母也又曰保甲行而尊視長弭盜詰
奸出於此然少不善而流弊亦甚吾公分邑爲
八路十五鄉命名親睦禮讓仁義忠信嘗云願
爾曹顧名思義設守望樓八百處樓各樹旗書
守望相勸傳鑼接應八字頒之數年內槩無縣
役下鄉鷄犬不驚盜賊潛踪夜扉不闔又曰我
公強項如鐵絕不逢迎值禱雨有上官經過索

魚肉叱而去京北差役咆哮立命褫其衣將置
諸法骨鯁多此類故事塾道飲食若流我公謂
此民脂也不以供億由是內外雅重清名槩無
所取一日道上饋大司空蘇公豚肩卮酒蘇公
嘆曰食爾饋吾心何忍然爾三河縣酒清且苦
與諸司嘗一口足矣命傾一卮衆嘗不及遍至
今邑中傳爲佳話又曰我公寒不坐乘暑不張
蓋布衣疏食有寒素所不堪者日用悉現錢平
買嘗云儉以助廉而誼敦古處樂與人善同城

白守戎歿治材爲殯送其靈輜及夫人穉子至舟吾邑有故儒曹持裕妻張氏十七孀湮沒不彰公詳請建坊其治已治人悉以直道正氣格天及物嘗題內署自勗云酌水心如雪焚香誓告天蓋紀實也是以上邀

聖眷屢荷異數各憲交章特薦且曰善政善教難以枚舉吾儕欲以數尺貞砥括之不亦難乎繼芳敬聆輿論筆而榜其畧公諱鵬字兼山福建莆田縣人累世清白名宦庚子鄉薦甲寅閩變拒僞三年絕粒毀形忠節最著宰三河清正循卓蒙
召見

三河縣志

卷十五

藝文

三

賜金三百以各案降十三級議調議削俱特恩從寬留任康熙二十九年五月奉旨行取爲御史臺今候補內府給事中

重新洵署舊額記

彭萼采

乾隆庚申春三月夏邑彭萼采來蒞三河署多茅椽署兩一小楹傾欲圯命工整之於廩土中

見舊額字多磨滅灌以水見其上有宋文康公
訓屬格言宋冢宰公重新懸額檄飭家大中丞
兼山先生所作格言記募采拜而讀之其宋文
康公之訓屬日報朝廷某事榮父母某事實百
姓幾分留子孫幾分其冢宰公檄飭曰此先相
國文康公於國初開府畿東時訓屬格言也迄
今四十餘年懸額猶存字多漫漶榮奉

簡書復觀察茲土言念先澤冰淵益凜爰行重新彰
諸廳事蓋自勉以期共勉云家大中丞記曰丙

寅春三月通永觀察宋先生以重修懸額勸飭
寅箴檄畿東所屬州邑頒以式大書二十字細
書八十四字檄至洵如式懸邑署洵宰彭鵬升
堂入座日所覲面退而思曰報者如答榮者無
忝寬者弗亟留者有餘而况所邀者朝廷之爵
祿也所遺者父母之體膚也所供者百姓之筋
血也所培者子孫之元氣也非報斯負非榮斯
辱非寬斯竭非留斯覆語曰一命之士施及三
黨可不思報孝經曰立身行己揚名顯親可不

思榮孟子曰用其一緩其二可不思寬易曰積善之家必有余慶可不思留吏不思愛百姓可而欺朝廷玷父母累子孫吏惟思長子孫遂致剝百姓負朝廷辱父母成我者君也我生者親也百姓者我所受於君也子孫者我所傳於親也思報思榮思寬思留作者文康之詞也述者觀察之心也遵而懸之者畿東屬吏也筆而記之者洵宰彭鵬也萼采讀罷喜甚急新之懸諸廳敬識於後曰相國宋文康公書此格言令子冢宰公復繼承之家中丞公令三河時記於座上其姪萼采復敬守之相國爲鄉先賢中丞乃伯氏行也嚮慕往哲景仰宗風維日三省儼如在上丙寅迄今庚申五十有五年矣前正典型昭垂宇宙字裏行間心跡雙清後之官茲土者尚其升堂入座常目存此二十字

序文

沁邑侯任鵬峯修學紀事詩序 龍燮

文鵬峯令洵陽垂五載屢欲訪之永暇也

年秋奉

召入 都客有攜鶴峯詩集者余讀其修學紀事排
律幾如監門之圖畫使人腐心蕩魄竊嘆河陽
距 京師僅百里儼然左輔邑雖敝豈遂至此
毋亦昔人所謂詩人類多謊語者乎迨策馬而
東過其郊入其郭登其堂乃恍然曰詩中所謂
荆榛瓦礫與夫連薨就圯者蓋爲黌序以厥始
也今觀蕭條署齋亦可與詩所云云相証矣然
鶴峯之意與自豪神采愈旺間與之剪燭論文

三河縣志

卷十五

藝文

三

署門外搥鼓如雷鶴峯惟以談笑應之余間嘗
竊窺其胸次又實有居其職則思盡其事也者
暇日偶步城隅忽有殿宇參差頗巍煥駐足瞻
視問同游指曰此邑之學宮也自明季寇氛以
來廢爲瓦灰委於茂草久矣今賴我令公捐貲
繕造益宏舊觀余振衣而進仰視榱桷周覽堂
堦見夫金碧之輝煌規模之壯麗益驚異久之
今世之作吏者惟簿書期會是問猶鹿鹿無寧
晷卽間有興作不過繕招提爲福利之緣飾臺

榭供游觀之具視此儒宮一畝直不啻秦越然
矣今鶴峯向榛蕪瓦礫中丕新學校巍然翼然
有若蛟龍虛而鸞鳳此豈區區補苴罅漏者
比哉一日鶴峯出修學紀事詩示余其中鋪叙
詳整錘鍊精工如大匠造未央宮雖萬戶千門
而次第秩然不亂此種手筆殆少陵以後所絕
無而僅有者雖然詩之美余疇曩已心識之余
身履其境復誦其詩尤欲我鶴峯急梓而傳之
俾四方知疲傲如三河而官於此者意在興廢
誠能殫心竭力仰體

聖主宵旰求治之心盡其猷盡其念有不難登至治
於邳隆者鶴峯其殆將進歌風而作雅也已

祭蝗文

嗟乎爾族姓著於周也曰螽斯春秋書爾之生
也曰蝻曰隰書無年而詩又曰爾蝗蝻蝻賊田
視有神秉畀炎火今爾之入吾境也歲荒甚百
穀不登了不得食卽有萌株爾之所過亦不忍

芻蕘而盡之然爾終不以不入境而使吏有偶
然之幸也吏亦無祈於爾而自欺飾以竊附於
古之九江中牟誣爾散且避夫以境內荒不得
食而爾似有仁心螟未嘗食心蠶未嘗食葉蠹
未嘗食根賊未嘗食節而吏又無所祈無所附
幾幸爾入而復出皇皇祭爾何爲哉吏之祭爾
也閔爾也洵民婦子餓不堪命草根木皮竭矣
日尋爾之族焙之糜之緩須與母死是爾未嘗
食心食葉食根食節而洵民已食爾之身爾之

子孫矣爾曷不率而去去而歸于無何有之鄉
毋俾遺種於穀地又慎毋率爾類潛徙而壑諸
鄰也夫民吾胞也物吾與也八荒吾闔也爾諒
予心咸起明聽

牒城隍神文

彭鵬

本縣西南路讓一鄉七保李家新庄民李從禮
妻王氏先因染病若有鬼物附之語口稱能醫
從禮鄉民也不肯從破碗毀案無虛口村落傳
聞遠近踵至禮所以有驅除邪魔亟救妻命之

請本縣親詣該庄已鎖王氏到矣而陰陽判隔
無從拘訊伏惟

尊神與本縣理幽治明共司茲土者也方今

聖主當陽普天率土其鬼不靈屬在輦轂尤難遁形
合將王氏牒送案下迅行拘質緣何依附治罪
申法本縣治洵五載疾惡鋤奸于人無少貸彼
爲草木之妖應知薑桂之性如屬狐狸之類當
爲豺虎之投并祈嚴飭速去毋使交節尚戀戀
此方爲也

三河縣志

卷十五

藝文

三

歲旱祭風伯文

彭鵬

屬耆長子發雷密雲不雨下土之民咸謂風以
散之是雲雷有憫人之意而風伯操撓物之權
吏不能爲風伯解也夫不姦禱不鳴修比德於
君子其所以體上天之生義高長養庶類功豈
在雲雷下氓之虫豩第見油然而陰也疾然而
震也倏然而散也遂以爲撓之散之故至此吏
又不能爲風伯平也早既去亦孔之哀敢以
吏之不能解不能平者祭風伯而告之勿聽勿

頽勿颯勿暴息其噫和其籟吹萬而無聲樹上
有少女熱快如故吏將率斯民匍匐而告諸天
而後氓之蚩蚩亦知夫風伯之未嘗撓之散之
也凡雷雨風雲之神相須而相濟易曰雷風不
相悖山澤通氣然後能變化既成萬物也又曰
雲行雨施品物流形吏將爲文合雲雷雨師而
祭之曰

國家歲有常祀惟雨暘時若是祈吏卽不德致干
天和亦當恤民之顛連饑饉無辜而罹於罰民

卽罔恤亦當昭鑒夫

聖天子爲歲爲民必誠必敬其可不思所答以作神
羞夫神無所不宰者也膚寸之雲不崇朝而天
下雨况畿輔爲首善地乎如之何同雲出震澍
雨無聞使下民叢怨終風而使吏有不能解不
能平之嘆哉惟風伯知之

觀察盧公友竹家訓序

李因篤

古之君子令德顯猷昔學修於家而後獻於廷
其生平踐閱深視履廣著爲勸誡非躬自蹈履

則觸於當世之前車而遂以示其後人故載之
家乘實靖獻之先資也觀察盧公素甫先生先
朝賢大夫歷官廉恕所至稱古遺直撰武庫干
秋鑑彞倫法戒錄諸書嘗進呈蒙溫綸載入史
館顧公之宦轍五逮吾秦輿論棠歌幾遍關輔
而予生也晚末由炙其餘輝竊以爲憾去夏於
郡司馬牲菴費使君座上晤公孫萬同愛其樹
品粹然問而知其家學蓋根茂者必庇其陰纒
長者必盈其緒二雅之什多出於周召尹姁之

裔可考而知也素甫先生三河人以世家擢詞
科立德立功照曜遐邇抒爲宸猷忠告已奏御
刊行矣費使君更貽予書緘先生遺篋中家訓
附四箴一冊曰萬同奉尊人小司農濟如公命
將勒石而屬予引端發而讀之言簡而義宏體
平而適用循則安而違則亂履則吉而悖則凶
脩之家而有餘施之天下而無不足比飲食之
味而嘆中庸之不可能嗟乎是先正之格言也
夫訓者上下通用之詞家訓莫如顏氏而先生

是作較中丞更質而切所當戶誦家絃奉爲座
銘與顏文並垂不朽四箴愈朴愈典天下之藉
與天下共之豈范陽所得私哉棘人幼趨庭家
貧失學先子九經未了之書聽其淪胥今觀吾
友之堂構從之引繩樹準焉閱濟如公所識後
語懇摯悱惻弗禁流汗浹踵涕泗橫披矣若費
使君錫類之仁闡幽之義扶倫式靡負哉名冠
諸侯有以也夫

重修三河署記

余左遷通州判官之五年歲在癸卯仲春攝三河篆甫蒞任初未詳三河之所以名而縣署湫溢傾圮釐然在目矣余謂署口公署門曰公門堂曰公堂蓋辦公之地也傾圮不治如辦公何五月奉文陞任茲土恭逢

天子展謁

祖陵幸盛京邑當其衝驛使絡繹余未遑別有營作越明年甲辰倡捐謀所以修之書役亦樂輸有差

三河縣志

卷十五

藝文

三五

計得白金若干兩舊制照牆距大門若干尺移置道南去新建大門若干尺儀門舊制一間今移舊大門三間易之去大門若干尺去大堂若干尺東西兩角門如制大堂兩廊各設科房六間比舊宏堅如式戒石牌久廢補立如初大門內東爲土地祠舊祀雜妄僅留專祠如祀典西設班房一區各班環列焉門西遙接縣獄再西爲瞭馬廩築垣屏留洵陽驛路復舊制也東西設坊二棹楔臨洵舊治左輔巖疆八字經始於

某年某月落成於某月某日按新唐書武德二
年析潞縣置臨洺開元四年更置三河郡邑釋
名三河以地近七渡鮑邱洺河三水名城邑考
三河舊城在今縣東三里洺河南建於石趙廢
於後魏今之三河城卽趙德均所置水經注洺
河源出北山東南經平谷縣故城西而東注於
洺河考三河志洺水卽錯河一名七渡河洺水
卽錯河之支河平時乾涸霖雨成河鮑邱河自
順義入境至時管營始有河形每遇霖雨積水

三河縣志

卷十五

藝文

三

成河夫源遠流長者河也七渡是也忽盈忽涸
者行潦也洺與鮑邱是也行潦不可以爲河洺
與鮑邱豈得與七渡並稱三河耶且置邑命名
往往本諸山川義取切實如五臺以臺名三水
以水名確有其數而因以得名之類是也以河
名矣亦奚取於無源之行潦而附會以名三河
耶及考三河圖七渡河自青陽屯入境南流
由舊城西北繞而東南而南而西而東南至料
馬庄出境形若半璧而城適當其缺故云然

則以三面環河名三河可謂地近七渡鮑邱洶
三水則不可也水經注謂洶水出右北平無極
縣西山鮑邱出禦爨北塞者豈陵谷變遷今昔
不同歟抑酈未經其地而以訛傳訛歟余既重
修三河署而因辨其命名之義俾後之君子知
所考云知縣事臯蘭李炳記